

Wednesday, July 15, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

NEGLIGENCE LEADING CAUSE OF ROAD ACCIDENT

Traffic Police Addl. SP Pu Saidingliana Sailo chuan Mizorama lirthei chetsual chhan tam ber chu fimkhur loh vang a nih thu a sawi.

Vawiina Akashvani News in a kawmnaah he thu hi sawiin Pu Saidingliana Sailo chuan Mizoram chhunga lirthei chesualah a lirthei chiangkuan loh vang chu a awm mang loh thu sawiin lirthei tha pangngai, a khalhtu inthlahdah leh fimkhur tawk loh vang a nih tlangpui thu a sawi a. Lirthei tlan chak lutuk chu lirthei chetsual chhan zinga a langsar deuh a nih thu a sawi a. Lirthei chesual zingah two wheeler a tam ber thu sawiin traffic dan bawhchhiaah pawh two wheeler an tam ber thu a sawi.

Byte of Saidingliana Sailo

Traffic Police Addl. SP chuan tunhnaiah heng chetsualna hrang hrang laka mipuite leh lirthei khalhtute an him zawk nan enfiah runpui te hman thin a nih thu leh tunhnaiah sawi lawk loa lirthei enfiahna hun Pathianniah tum hnih leh zan reiah tum hnih hun an hman thu a sawi a. Hengah hian a vaiin mi 650 manin an vaia pawisa chawi tlingkhawm chu cheng nuai 4 sing 5 sang 4 a nih thu a sawi a ni.



NASHA MUKHT ABIYAN LAWNGTLAI

Sorkarin Operation Jericho a kalpui avangin Lawngtlai district huam chhungah ruihhlo a tlem phah thu Lawngtlai Bawrhsap Pu Donny Lalruatsanga chuan a sawi.

Nimina Nasha Mukht Bharat Abhiyan Ruihhlo Do leh Operation Jericho, Lawngtlai District chungchanga thutkhawmah he thu hi Bawrhsap chuan a sawi a. Bawrhsap chuan Nasha Mukht Bharat Abhiyan- chu ruihhlo that loh zia inzirtirna campaign lam hawi niin Centrally Sponsored Scheme a nih thu leh sum pawh 'Ministry of Social Justice & Empowerment' atangin nikum khan cheng nuai 10 sanction a nih thu a sawi a. College, NGO leh Kohhran kaltlanga hmalakna atan hman a nih tawh thu sawiin Mizoram sawrkar hmalakna 'Operation Jericho' pawh tha taka kalpui a nih thu leh, Lawngtlai District chu 'Drugs Free District' a nih theih nan chak taka hmalak mek zel a nih thu a tarlang bawk.

Nimin thutkhawmah hian 'Operation Jericho' chu state sawrkarin a kalpui chhunzawm lo chunga Lawngtlai District bikah thla thum chhung kalpui chhunzawm a ni chu thil lawmawm tak a nih thu tarlan a ni a. Tun dinhmunah Mizoram sawrkarin kalpui chhunzawm tumna a neih rih loh avangin 'Operation Jericho' bik chu chawlh lailawk ni se tia rel a ni a, furpui zawh lamah chhunzawm dan ngaihtuah leh thuai ni se tiin an rel a ni.



SKILL INDIA 11TH ANNIV

Ramchhunga cheng mipuite chawikanna tur scheme Skill India Mission kum 11 na vawiin hi a ni a, he scheme hi Prime Minister Narendra Modi chuan 2015 khan hawngin, chhungkaw chawmna tura thiamna tlo leh hlawk zawk inzirtirna kalpuina a ni.

Skill India Mission hmang hian sorkar laipui Ministry of Skill Development and Entrepreneurship chuan thalai vbc 6 chuang training a pe a, Pradhanmantri Kaushal Vikas Yojana hnuai bikah chuan thalai vbc 1 leh nuai 65 a zirtir chhuak tawh a, kum 2047-a khawlvel changkangte dinhmun rap pha ve tura sorkar laipui hmalak meknaah, thalai te kut tih chak hi ngaihpawimawh zingah a tel a ni.



INDIA-UK AGREEMENT

:
India leh United Kingdom ten sumdawwna kawnga thawhhona thuthlung an siam, India – UK Comprehensive Economic and Trade Agreement (CETA) chu vawiin hian a tak a hman tan a ni.

Ram pahnihte inremna thuthlungah hian India siam bungrua te chu United Kingdom-ah chhiah tlawm zawk a chawk luh theih a ni dawn a, hei hian India rama MSME sector hnuai mahni kut kawih hmanga eizawngte tan hlawkna nasa taka thlen beisei a ni.

Federation of indian Chambers of Commerce and Industry Anand Swarup chuan he inremna thu thlung a tak a a chang ta chu India ram tan hmasawwna nasa tak a nih tur thu leh Prime Minister narendra Modi-a thawhrimna chu fakawm a tih thu a sawi a, Trade promotion Council of India Chairman Mohit Singla pawhin he inremna thuthlung hian ram dang nena insumdawwna kawngah India ram dinhmun chu nghet lehzuala a dah ngei a beisei thu a sawi.



DELHI GOVT TO DISTRIBUTE CYCLES

Zirna inah te thliar bik awm lova, hmeichhe naupang te hun tha chhawpsak tura hmalak nan Delhi sorkar chuan tun thla atang hian pawl 9 hmeichhe zirlai nuai 1 leh sing 3 vel hnenah thirsakawr a pe dawn.

Delhi Education Minister Ashish Sood-ah social mediaa a tarlan danin, he hmalakna hian zirlai hmeichhe naupang ten zirna in an panna a tih awlsam tur thu te leh, sikul an kai that phah theih an rin thu a sawi a, zirna in an tan pan a hlat avang ringawta sikul an kai loh te pawh a veng thei ang a ti.

